



SONGTEXT

Text: Thomas Werner

Donkel esch es i de Stadt,
deckä Näbel macht aus matt.
Donnschtig frühä im Februar,
d' Fasnacht werd gli wahr.
Farbigi G'schtalte huschid am Quai,
hey hey hesch diä det gseh?
Luegsch i d'Altstadt rüüdig schön,
det sends no velli meh.

No esch`s donkel id de Stadt,
es schneit, s'esch iisig, rüüdig glatt.
Ruhig esch es am Chapellplatz,
no körsch kei Ton, ned mol ä Satz.
S'esch grad halbi füfi gsi,
g'sesch d'Naue ufem See,
sie gleitet ruhig im grelle Liächt,
d' Konfetti send no Schnee.

De Fritschi uf de Naue stoht
ond's vo de Chellä Füfi schlohd,
denn goht's los met höllem Knall,
päng überall.
Schön besch Du jetzt au debii,
denn chömer alli zäme sii,
s'Wechtigscht esch of üsre Wält,
das käne fählt!

Verrockti Täg, bewegt i Massä,
Gugge, Volk i allne Gassä.
Wänn`d am Nomi am Omzog schtosch,
dini Sörgali deheime losch.
Farbig, frohi Beldär schön,
Trompetä, schrägi Tön.
Chont dänn d' Nacht vo dem Tag eis,
lauf'sch a dä Schtäge heiss.

Schön besch Du do au debii,
denn chömer alli zäme sii,
s'Wechtigscht esch of üsre Wält,
das käne fählt!
Schön ben ech do au debii,
denn chömer alli zäme sii,
s'Wechtigscht esch of üsre Wält,
das käne fählt!

Noch lange Nächt werd's weder hell,
kei Ahnig was das jetzt scho sell?
S'esch so ruhig do onder de Egg,
sie wöschid scho d'Konfetti weg.
Au's verbi, händ's rüüdig kha,
oh dankä LFK,
fö'r das Johr esch aus de Traum,
am Friitig k'heit de Baum.

Bäumig esch diä Fasnacht gsi
ond s'nöchtscht Johr semmer au debii
s'Wechtigscht esch of üsre Wält,
das käne fählt!
Rüüdig esch diä Fasnacht gsi
ond s'nöchtscht Johr semmer au debii
s'Wechtigscht esch of üsre Wält,
das käne fählt!

Schön besch Du do au debii,
denn chömer alli zäme sii,
s'Wechtigscht esch of üsre Wält,
das käne fählt!
Schön ben ech do au debii,
denn chömer alli zäme sii,
s'Wechtigscht esch of üsre Wält,
das käne fählt!

Hauptsponsor

STALDER

*Lozärner
Bier*

rein zuhause.

Projekt
Patronat
DIE VEREINIGTE

Co-Sponsoren

Kreuzbühl
DER SONNTAGSBÄCKER

expert  **en7**

Chuchichäschli
RESTAURANT  BAR